



AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Udh. D. D. <u>2-D/DPK</u>	Nr. Prot. B. Prot. <u>01-3274/14</u>
Sh. D. Sh. D. <u>03</u>	Prot. No. Datum <u>18-09-2014</u>
PRISTINE	



Republika e Kosovës
Republika Kosova - Republic of Kosova

AGJENCIA KUNDËR KORRUPSIONIT
AGENCIJA PROTIV KORUPCIJE
ANTI - CORRUPTION AGENCY

DATE/A:	18.09.2014
REFERENC-Ë:	AKK-DPK
PËR/ZA/TO:	znj. Suzan Dërvari, Drejtor, Departamenti i Licencimit dhe Standardizimit
CC:	z. Bedri Hamza ,Guvernator i Bankës Qendrore te Republikës se Kosovës
PËRMES/PREKO/THROUGH:	
NGA/OD/FROM:	Hasan Preteni, Drejtor i Agjencisë kundër Korrupsionit
TEMA/SUBJEKAT/SUBJECT:	Opinion lidhur me ofrimin e këshillimit profesional për parandalimin e konfliktit të interesit në ushtrimin të funksionit publik

E nderuar znj. Dervari

Lidhur me kërkesën tuaj drejtuar Agjencisë kundër Korrupsionit (DPK-03-3162/14), ju njoftojmë se në kuadër të kompetencave të Agjencisë kundër Korrupsionit lidhur me çështjen e konfliktit të interesit, sipas Ligjit për Parandalimin e Konfliktit të Interesit në Ushtrimin e Funksionit Publik (në tekstin e mëtejshëm Ligji për Parandalimin e Konfliktit të Interesit), Agjencia kundër Korrupsionit, ndër të tjera, bën këshillimin e zyrtarëve të lartë të veçantë, të eprorëve, të institucioneve eprorë, me kërkesën e tyre, për raste të caktuara të shfaqjes së konfliktit të interesave (neni 19, pika 1.5).

Prandaj, duke ju përgjigjur kërkesës tuaj dhe pas takimit që kemi pasur me ju në zyrat e BQK-së, dhe pas ofrimit të fakteve lidhur me kërkesën tuaj drejtuar AKK-së, për sqarimin e situatës që ndërlidhet me pronësinë e zyrtarit të lart z. Akan Ismaili (Ambasador i Kosovës në SHBA), në një kompani e cila është aksionare në një kompani tjetër e cila ka aplikuar në BQK-ë, për tu

licencuar si kompani e sigurimeve, dhe a përben konflikt të interesit sipas dispozitave ligjore në fuqi ky fakt.

Agjencia kundër Korrupsionit si institucion kompetent lidhur me parandalimin e konfliktit të interesit në ushtrim të funksionit publik, nxjerr këtë:

OPINION

Aplikimi i kompanisë nga personi i autorizuar për licencë në Bankën Qendrore të Republikës së Kosovës, për tu licencuar si kompani e sigurimeve, ku zyrtari i lartë z. Akan Ismaili, ka pjesë të aksioneve nuk paraqet konflikt të interesit në ushtrim të funksionit publik dhe nuk është e ndaluar.

Arsyetim

Në bazë të Ligjit për Parandalimin e Konfliktit të Interesit (në tekstin e mëtejshëm L.P.K.I.) pozita e Ambasadorit hynë në kategorinë e zyrtarëve të lartë publik, andaj në bazë të nenit 8 të këtij ligji, të gjithë zyrtarët e lartë publik kanë për obligim parandalimin e konfliktit të interesit dhe kanë për detyrë të parandalojnë dhe të zgjidhin vetë brenda afatit ligjor, dhe në mënyrën më efektive të mundshme, çdo situatë të konfliktit të tyre të interesit.

Prandaj, aplikimi i kompanisë nga personi i autorizuar për licencë në BQK, për tu licencuar si kompani e sigurimeve, ku zyrtari i lartë z. Akan Ismaili, ka pjesë të aksioneve nuk paraqet konflikt të interesit në ushtrim të funksionit publik, për faktin se zyrtari i lartë z. Akan Ismaili, ka autorizuar një person si person të autorizuar në biznesin ku z. Ismaili është bashkëpronar, e tër kjo lidhet me Nenin 14.1 dhe 2 të ligjit për Parandalimin e Konfliktit të Interesit në Ushtrimin e Funksionit Publik, ku përshkruhet transferimi i të drejtave në drejtim të ndërmarrjes.

Në bazë të kësaj dispozite, të jesh bashkëpronar i biznesit nuk është e ndaluar, mirëpo zyrtari i lartë në bazë të nenit 16.1 të ligjit të lart përmendur nuk mund të jetë menaxher, apo anëtar i ndonjë organi menaxhues apo kontrollues në ndërmarrje private.

Po ashtu duhet theksuar se çështja e transferimit të drejtave në drejtim të ndërmarrjes tek personi e autorizuar është rregulluar me nenin 14.4,5,6 të Ligjit për Parandalimin e Konfliktit të Interesit në Ushtrimin e Funksionit Publik.

4. Nëse personi i besuar krijon marrëdhënie afariste me institucionet e qeverisjes qendrore, lokale, ndërmarrjet publike apo me ndërmarrjet private ku kapitali i pronës publike ka më shumë se pesë (5)% të kapitalit apo aksioneve, është i detyruar që të njoftoj zyrtarin e lartë lidhur me marrëdhëniet e tilla afariste.

5. Gjatë kohës derisa të drejtat për administrim me ndërmarrjen i janë transferuar personit tjetër, zyrtari i lartë nuk ka të drejtë të jap informata, udhëzime, urdhëresa apo në ndonjë mënyrë tjetër të qëndroj në lidhje me personin e besuar ashtu që të ketë ndikim në realizimin e të drejtave dhe përmbushjen e detyrave që dalin nga të drejtat e anëtarëve të ndërmarrjeve të tilla.

6. Zyrtari i lartë ka të drejtë të informohet për ecuritë dhe gjendjen në ndërmarrjen ku ka pronësi, ose pjesë të pronësisë.

Andaj, bazuar në faktet dhe gjendjen e tanishme lidhur me çështjen e ngritur nga ana e juaj si dhe në bazë asaj që u tha më lartë, iu rekomandojmë që të ndërmerrni të gjitha masat konform këtij opinioni, ndërsa në rast se paraqiten fakte dhe rrethana tjera kërkojmë që të parandaloni çdo situatë që mund të shkaktoj konfliktin e interesit në ushtrimin e funksionit publik.

Me respekt!

U/P KOSOVO *